

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE
Broj: 01-04-1872/21-AP-6
Datum: 30.07.2021. godine



**VIJEĆNIČKA PITANJA I INICIJATIVE
sa 7. sjednice Općinskog vijeća Zavidovići održane 30.07.2021. godine**

INICIJATIVA VIJEĆNIKA ADMIRA FOJNICE:

Admir Fojnica:

Predmet: Inicijativa za dopunu Poslovnika o radu Općinskog vijeća Zavidovići, Član 24. stav 3.

Poštovani/a,

na osnovu člana 109. Poslovnika o radu Općinskog vijeća Zavidovići, podnosim inicijativu za dopunu Poslovnika o radu Općinskog vijeća Zavidovići Član 24. stav 3. i to:
u članu 24. stav 3. iza riječi „nezavisni kandidati“ briše se zarez i dodaju riječi „samostalni vijećnici“ mogu formirati zajednički klub ili pristupiti nekom od klubova.

OBRAZLOŽENJE:

U članu 24. Poslovnika o radu Općinskog vijeća Zavidovići stoji da se u vijeću obrazuju klubovi vijećnika političkih stranaka-partija zastupljenih u Vijeću, te da se klub vijećnika može formirati sa najmanje dva vijećnika. Inicijativa se odnosi na dopunu stava 3. pomenutog člana gdje piše vijećnici i nezavisni kandidati mogu formirati zajednički klub ili pristupiti nekom od klubova. Navedena formulacija stava 3 ne daje mogućnost samostalnim vijećnicima da formiraju klub vijećnika. S obzirom da u Općinskom vijeću Zavidovići trenutno imaju četiri samostalna vijećnika, smatram da je opravdano dati mogućnost samostalnim vijećnicima da formiraju klub. Formiranjem kluba samostalnih vijećnika, stiže pravo da učestvuju u radu Kolegija Općinskog vijeća, da učestvuju u pripremama sjednica Vijeća, ostvaruju saradnju sa drugim klubovima i samim tim mogu dati puno veći doprinos u radu Općinskog vijeća.

INICIJATIVA VIJEĆNIKA FEHIMA TUZLIĆA:

Fehim Tuzlić:

Inicijativa za: ULICA JUSUFA POLIĆA RIBARA

Uslijed enormno velikih oborinskih padavina koje su se dogodile 17.06.2018. te 25.06.2018. godine, kao i 13.05.2019. te 02.06.2019. godine došlo je do velikih poplava stambenih objekata kao i usjeva. Mnogi objekti su oštećeni, a vlasnici su ih morali samo sanirati.

Naime postoji prirodni potok koji se proteže iz pravca Potklečja i treba da se sanira to jest njegov dio da se polože cijevi i provede do rijeke.

Ovako slobodnim protokom pravi eroziju zemljišta i dolazi do začepljavanja cijevi kod ceste i pravi poplave.

Također, potrebno je naređiti domaćinstvima koja nemaju riješen sistem odvoda otpadnih voda da to riješe. Neki su samo ugradili odvodne cijevi iz kuće i dalje se sliva u kanal do ceste što stvara nesnosan smrad.

Potrebno je izvršiti i pritisak na kantonalnu Direkciju za ceste da se izvrši odštopavanja cijevi za odvod vode ispred ceste do rijeke. Oni su upoznati sa problemom i dostavljamo vam njihov odgovor od 27.12.2018. godine.

U prilogu snimke poplava.

INICIJATIVA I VIJEĆNIČKO PITANJE VIJEĆNIKA HARISA HODŽIĆ: Haris Hodžić:

Predmet: Inicijativa za izmjenu Odluke o načinu rasporeda i korištenja finansijskih sredstava prikupljenih po osnovu kontinuirane i jednokratne naknade od koncesija.

Poštovani,

na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Općinskom vijeću Zavidovići podnosim INICIJATIVU za izmjenu Odluke o načinu rasporeda i korištenja finansijskih sredstava prikupljenih po osnovu kontinuirane i jednokratne naknade od koncesija.

U skladu sa stavom 4. pomenutog člana ovu Inicijativu dostavljamo u pisanoj formi sa

OBRAZLOŽENJEM kako slijedi:

Izmjena odluke o načinu rasporeda i korištenja finansijskih sredstava prikupljenih po osnovu koncesija odnosi se na dodavanje/izmjenu postojećih članova koji definišu sljedeće (nove) kriterije:

- Raspored finansijskih sredstava izvršavat će se po metodi 50% ulaganje u infrastrukturu mjesnih zajednica na kojim se vrši eksploatacija prirodnih energenata i 50% na bazi slobodnog ulaganja na području cijele teritorije općine Zavidovići uključujući i urbanu zonu (dosadašnji metod je na bazi 100% slobodnog ulaganja).
- Sredstva za prikupljanje po osnovu koncesija utrošit će se u kalendarskoj godini ubranog prihoda a najdalje do 30.04. naredne kalendarske godine.

Razlog podnošenja inicijative jeste neravnomjerno ili skoro nikakvo ulaganje sredstava, prikupljenih po osnovu prihoda od koncesija, u mjesne zajednice sa kojih se crpi prirodno bogastvo i čija infrastruktura i ekologija trpi kompletan proces ekspoatacije od strane koncesionara.

Također, zbog prethodnih praksi i zupotrebe u korištenju ovih sredstava u predizborne svrhe potrebno je vremenski ograničiti period korištenja sredstava od koncesionih naknada kroz infrastrukturne radove na način da isti moraju biti utrošeni u tekućoj godini nastanka i naplate prihoda a najkasnije do 30. aprila naredne kalendarske godine.

Ovo je također potrebno i zbog pravovremenog ulaganja u infrastrukturu kako ista ne bi čekala predizborne termine a sredstva za sanacije i ulaganje u infrastrukturu postoje i naplaćena su u tekućoj kalendarskoj godini.

Realizacija ove inicijative ne iziskuje nikakva dodatna sredstva kroz Budžet općine Zavidovići. Za realizaciju ove odluke zadužuju se Općinski načelnik i nadležne općinske službe sa rokom od 30. dana od dana usvajanja inicijative.

S poštovanjem,

Predmet: VIJEĆNIČKO PITANJE, dostavlja se.

Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: U kojoj proceduri je i da li je u 2021. godini planirana sanacija i rekonstrukcija starog lokalnog puta Rudače-Junuzovići u naseljenom mjestu Rudače MZ Hajderovići?

Obrazloženje:

Mještani naseljenog mjesta Rudače pokrenuli su projekat asfaltiranja dijela stare lokalne ceste Rudače-Junuzovići u dužini od cca 400 metara koji, u posljednje vrijeme, ima pojačan saobraćaj teretnih motornih vozila. Na ime ove akcije odazvao se veliki broj mještana/učesnika sa prikupljenim iznosom od 14.500,00 KM (sredstva mještana).

Mještani ovog naseljenog mjesta imali su obećanje nadležne službe i načelnika da će se od strane općine Zavidovići izdvojiti značajna sredstva kako bi se zajedničkim snagama u saradnji sa mještanima pristupilo asfaltiranju makadamskog puta Rudače-Junuzovići.

Direktno pitanje: da li je i kada planirana sanacija lokalne ceste Rudače-Junuzovići i da li mještani ovog kraja mogu računati na podršku općine Zavidovići u realizaciji pokrenutog projekta i u kojem iznosu?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

**INICIJATIVA VIJEĆNIKA ŠEMSUDINA SKEJIĆA:
Šemsudin Skejić:**

PREDMET: Inicijativa: Aktivnosti na poboljšanju uređenja uže jezgre grada

Korist Inicijative

- Povećava se higijena u gradu, što direktno utiče na zdravlje građana
- Zelenilo smanjuje zagađenje, proizvodi kisik, što opet utiče na zdravlje građana
- Više zelenih površina utiče pozitivno na psihičko zdravlje građana
- Funkcionalnost gradskih saobraćajnica, pješačkih pločnika i mostova direktno utiče na sigurnost građana, što opet ima veze sa zdravljem građana
- bolje osvjetljenje utiče na sigurnost, što također utiče na zdravlje građana

Ciljevi inicijative su kratkoročni i dugoročni.

Ja ću ovdje prezentovati kratkoročne ciljeve a u tekstu su napisani i dugoročni. Zbog kratkoće vremena ne mogu ih obrazložiti.

Kratkoročni ciljevi:

- a) Redovno, kvalitetno košenje i uređenje javnih zelenih površina
- b) Briga o zemlji i pijesku na zelenim površinama
- c) Kupovina i sadnja novih kvalitetnih sorti cvijeća i zelenila
- d) Postavljanje nove kvalitetne ograde na mostovima

- e) Postavljanje saksija na mostu u centru grada i mostovima na ušću
- f) Izmjena dotrajalih ivičnjaka u centru grada
- g) Akcija – Očistimo grad (građani i JKP Radnik, a ja bih dodao da taj dan učestvuju i vijećnici OV)
- h) Postavljanje dovoljno dodatnih korpi za smeće, ali sa malo drugačijim dizajnom. Naime, u BiH je 44% pušača, možemo računati da je i u Zavidovićima najmanje toliko. Dobro je imati kante na koje se može ugasiti čik, jer ga ne smijemo ubaciti u kantu zapalit će se, pa ga radije bacimo na put... osim toga taj metalni dio odozgo može dobro služiti da spriječi ptice da raznose smeće
- i) Na prilazima gradu postaviti jasnije oznake za turistička mjesta. Sad kad dolazimo iz pravca Tuzle, nemam pojma kako doći do Kamenice i Tajana, mislim da neke mape turističkih mjesta treba postaviti rano na ulazima u grad, da čovjek može i stati autom, pa malo vidjeti gdje je šta, table bi trebale biti barem dvojezične, tj. i na engleskom
- j) Po gradu treba više oznaka, jer grad sada izgleda kao da se podrazumijeva da svi znaju gdje je šta, dakle više oznaka i putokaza, gdje je džamija, gdje crkva, gdje dvorana, gdje IP krivaja, gdje je stadion...

Koliko vidim najviše nezadovoljstva je radom JKP RADNIK pa treba od njih tražiti izvještaj zašto ne rade već i imaju li kapacitet da rade.

Finansiranje je uvijek svima najveći problem i izgovor. Ali može se razmisliti da se neke aktivnosti provedu sa lokalnim preduzećima ili tržnim centrima, npr. Bingo finansira obnovu ograde na mostu, a Općina mu da dozvoli za neku reklamu na njemu, propiše njen izgled da ne bude neki kičeraj, propiše trajanje reklame i sl. Također, u parkovima se mogu staviti obavještajne table-npr. park se održava uz pomoć firme XY, građani Zavidovića se zahvaljuju i slične ideje.

Što se tiče dijelova koje mora općina uraditi, pa tu treba javni prozivati i upozoriti načelnika na posljedice ako nema javne rasvjete (kriminal, nesigurnost), ako neko slomi nogu na mostu zbog rupe i tuži općinu, ili nekog udari auto jer nema pločnika. To ljudi u Zavidovićima još ne rade, ali počet će i treba i njima reći da imaju pravo na to.

Međutim, nije dovoljno svaliti sve na leđa JKP RADNIK. Lokalna zajednica, ljudi, moraju imati značajniju ulogu, moraju se brinuti o tome, pa ako vide razbacano smeće oko korpe, ne trebaju psovati RADNIK što nije očistio, nego trebaju pokupiti smeće. Ako vide da je snijeg svalio neku granu, neka je otresu, a ne da psuju što općina ništa ne radi. Vi možete imati stotinu ideja i sve realizirati, ali ako ljudi koji žive tu nemaju valjan stav prema tome, ništa neće uspjeti. Ljude treba educirati. Djecu treba educirati, pa u vezi s tim mogu se organizirati posebne radionice kroz škole, neka djeca uče o tome, ali neka i na času biologije, ekologije, odjeljenske zajednice izađu u neki park, neka posade cijeće, neka grabe lišće... To je svakako dio dugoročnih ciljeva o kojima više slijedi u nastavku.

DUGOROČNI CILJEVI

Dugoročni ciljevi inicijative trebali bi biti u vezi sa onim što se zove URBANA EKOLOGIJA a to je stanje grada, neke urbane sredine, u kojoj se arhitektura sažima sa prirodom i pravi zdravija sredina za život. O tome sad postoji bezbroj studija, a način izvedbe ovisi dosta i o trenutnom stanju. Nov cilj je podići broj zelenih površina u gradskim zonama, održavati postojeće, smanjiti temperaturu gradskih naselja, apsorbovati što veću količinu gasova, imati čistiji zrak.

„Gradski parkovi, gradski vrtovi idrvoredi, iako malena područja u usporedbi s izgrađenim područjem mogu imati veliku ulogu u održavanju temperature ili hlađenju grada kao toplinskog otoka. minimalna ulaganja u zelenilo prema pravilima urbane ekologije mogu lokalno imati veliki značaj. Kada bi se postotak zelenila u gradu povećao

za 10% redukcija temperature mogla bi iznositi do 2,5°C. Istovremeno, kada bi se postotak zelenila u gradu smanjio za 10% redukcija temperature bi mogla porasti i za 7°C (Ennos i dr., 2007). Dakle možemo reći da je grad održiv ako postoji priroda u njemu. Stoga ulaganja u gradsko zelenilo postaju neminovna mjera za održivost grada te njihova pravilna distribucija mora biti sastavni dio urbanog planiranja.“

IZVOR:

<https://zir.nsk.hr/islandora/object/pmf%3A4795/datastream/PDF/view>

U nekim gradovima, poput Milana, prave se zgrade sa drvećem. U nekim gradovima forsira se sadnja zelenih površina na krovovima zgrada, u nekim se čak uzgajaju pčele na krovovima zgrada... Neka pravila o tome općina može zauzeti i usloviti investitore objekata da su obavezni planirati i zelenu površinu u sklopu objekta ili slično.

Te dugoročne planove trebalo bi temeljito osmisliti i u njih ukljuiti osim inženjera građevine, arhitekata, inženjera hortikulture, svakako i psihologa.

Psiholog je važan iz nekoliko razloga. Naime, parkovi i zelene površine, osim za odmor pojedinaca, služe i za interakciju pojedinaca. NPR grad Barcelona puno pažnje poklanja konstrukciji sadržaja u parku i namjerno ga pravi takvim da ljudi budu upućeni jedni na druge dok su u parku, tj da mogu razgovarati, upoznavati se, a čim se ljudi znaju manja je šansa za konflikt.

Također, u parkovima treba izbjegavati čoškove, uglove i sl, jer u noćnim satima takve površine postanu izvor strahova za posjetioce, svaki dio parka bi noću trebao biti maksimalno osvijetljen.

Tim bi kako sam rekao trebao imati inžinjere: građevine, saobraćaja, hortikulture, arhitekture, psihologa i recimo jednog predstavnika Udruženja nastavnika tjelesnog odgoja, koji već imaju neke aktivnosti u gradu.

Tim i sebi treba, u skladu sa postavkama Urbane ekologije, postaviti ciljeve čiji bi rezultat morao biti: prijedlozi za održavanje i unapređenje postojećih zelenih površina, za njihovo proširivanje i povećanje njihovog broja u gradu.

Neki zadaci koji bi doprinijeli tim ciljevima su:

1. Na stranici općine napraviti jednu anketu među građanima kako ocjenjuju svoj grad u tom smislu zelenila, čistoće, i kako vide svoj grad u budućnosti. Iz te ankete se može saznati ima li razlika u mišljenju među pojedinim populacionim grupama, i u tom smislu dobili bi se odgovori kako da se utiče na neke pojave, npr namjerno zagadivanje, bacanje smeća, uništavanje zelenila i sl, ali i odgovori šta žele penzioneri a šta roditelji s malo djecom...

U dva istraživanja, na linku koji sam ranije naveo potvrđen je pozitivan učinak zelenih površina za penzionere. Osim općeg većeg zadovoljstva penzionera u blizini parka, kod njih je zabilježena manja razina stresa te ujedno dulji životni vijek. potvrđen je socijalni i psihološki benefit blizine parka, osjećaj pomlađivanja, ugodan prostor za dokolicu i razmišljanje te potaknut osjećaj mesta (Nakamura i dr., 2002).

Druga anketa postavlja pitanje koji su razlozi boravka u parkovima. Chiesura je ispitalo subjektivne razloge boravka na zelenim površinama stanovnika Amsterdama, Pariza i Seville. Naviše ljudi izjavilo je kako najčešće posjećuju zelene površine kako bi se opustili, kao drugi razlog navedeno je slušanje i gledanje prirode, bijeg iz grada, a zatim odlazak u park zbog djece (Chiesura, 2004).

U gradu Ankari provedena je anketa koja skuplja pojmove građana o tome što oni smatraju da mora primarno biti uređeno i održavano u parku. Na prvom mjestu bile su klupice, zatim označene staze za trčanje ili biciklizam, ugodan krajolik sa posadenim cvijećem i dovoljnim brojem kanti za smeće, a nekolicina je izjavila kako bi imala najviše

godila prisutnost vode u vidu malenog jezera ili fontane (Hag, 2011). Anketa je također dovela do još jednog zaključka. Ljudi su svjesni da sama gradnja zelene površine nije dovoljna. Potrebno je njezino adekvatno očuvanje, uređenje u razmacima po nekoliko godina, a poseban naglasak se stavlja na dovoljnoj količini kanti za smeće.

IZVOR:

<https://zir.nsk.hr/islandora/object/pmf%3A4795/dastream/PDF/view>

2. Treba napraviti katastarski popis zelenih površina u gradu, skupiti ga u jednu radnu brošuru, opisati stanje. Znači mora se izaći na teren i lično uvjeriti u kakvom je stanju mobilijar igrališta, stanje cvijeća i grmlja, ima li neka šumica prostor da bude vanjska teretana npr... Neke su zelene površine uređene manje ili više, neke nisu nikako. Taj tim bi trebao dati prijedlog kako da se dodatno unaprijede sve te površine.

3. Taj bi tim uz ove dugoročne ciljeve mogao nadgledati i realizaciju kratkoročnih ciljeva jer je to kontinuiran posao.

4. Poseban je problem javne rasvjete, to možda treba odvojiti od ovoga, jer bi trebalo.

napraviti elaborat o obnovi i uštedama. EU ima dosta projekata i poticaja oko toga. Smanjenje standardne rasvjete novim tehnologijama smanjuje troškove za više od 80%. Mislim da zato treba zadužiti općinu da napravi, da nađe poticaj iz EU i da se to realizira kroz nekoliko godina.

5. Svjetlo nažalost može biti i zagađenje, pa tako bi se taj tim mogao baviti time.

Prekišasrte reklame, led panoci mogu smetati noću saobraćaju ali i stanovnicima okolnih zgrada. To se sad naziva svjetlosno zagađenje.

6. U užem i širem gradskom području prolaze rijeke. Njihove obale su neuređene i neiskorištene. Ne znam koliko se smije, tj ne znam ko upravlja tim pojasom. Ali ja bih tokom ljetnih perioda i niskog nivoa rijeka, barem u dijelu Bosne od mosta u gradu ka ušću Krivaje, očistio opet, uredio, postavio ljetne bašte...a s druge strane bih napravio barem nekoliko kilometara stazu za trčanje...

Moram na kraju istaći, a mi bismo trebali znati da naš grad a posebno njegov urbani dio ima kvalitetno riješen i planski uređen raspored ulica koje nisu uske i koje su međusobno veoma dobro povezane. To je neko osmislio davno prije. Kada bismo pogledali izgled užeg centra grada iz ptičije perspektive (snimak dronom) iznenadili bi se dobrom urbanističkim rješenjem. Ovo ističem jer smatram jer smatram da imamo preduslove da uz malo više volje i rada svih nas grad „postavimo“ na mjesto koje mu pripada a što smo doživjeli: Doživjeli smo da naši sugrađani kada idu u susjedne Općine kažu da su one daleko ispred nas po pitanju čistoće, urednosti, izgleda i da su mnogo napredovali u odnosu na nas. Zamislite te općine su tek mali gradići (Olovci, Maglaj, Žepče).

Sve napisano moglo bi poslužiti kao projektni zadatak za ekipu stučnih ljudi koji bi izradili projekt uređenja našeg grada čijom realizacijom bismo na kraju našeg mandata ostavili nešto vrijedno iza sebe.

VIJEĆNIČKO PITANJE VIJEĆNIKA ADIJA MAHOVCA:

Adi Mahovac:

Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Koliko pravnih lica registrovanih kao društvo sa ograničenom odgovornošću je otvoreno od 2016. godine pa sve do danas na području općine Zavidovića?

Direktno pitanje:

Tražim od nadležne općinske službe da nam dostavi spisak i broj pravnih lica registrovanih ka d.o.o. na području općine Zavidovići od 2016. godine do danas uz podatak o broju zaposlenih po svakom otvorenom preduzeću i informaciju da li se radi o preduzeću sa naše općine, susjednih općina ili je u pitanju inostrano preduzeće. Uz ovu informaciju dostaviti i podatke o broju zaposlenih i nezaposlenim po godinama od 2016. godine.

Odgovor na ovo pitanje treba da sadrži sljedeće informacije: godina, naziv pravnog lica, lokalno, domaće ili inostrano pravno lice, broj zaposlenih po pravnom licu, aktivno/u stečaju/zatvoreno.

Od nadležnih zahtijevam jasne odgovore u pisanoj formi.
Vijećničko pitanje upućuje se nadležnim općinskim službama.

S poštovanjem,

INICIJATIVA VIJEĆNIKA REFIKA ĆATIĆA:

Refik Ćatić:

Dame i gospodo, prisutni u ovoj dvorani, poštovani mediji i vaši konzumenti, želim da izdržite ovaj tropski dan. Poštjući, duboko poštjući aktivitet vijećnika i inicijative bilo bi zanimljivo u ovih nekoliko sjednica koje održasmo izmjeriti kolko vremena izgubismo na ove inicijative. Mnogo vremena. I zato u tom smislu predlažem odnosno iniciram promjenu člana 166. odnosno 167. Poslovnika o radu Vijeća, a koji se odnosi upravo na inicijative vijećnika. Naime, Kolegij Vijeća u članu 31. stav 1. alineja 6. stoji da Kolegij formira dnevni red i u tom smislu bez obzira izvodiva ili neizvodiva, bila ovakva ili onakva inicijativa, makar i Komisija, makar i svi učesnici Kolegija digli ruku protiv toga ona mora ići na Kolegij i mi dangubimo vrijeme ovdje. Ja ću u pismenoj formi dostaviti gdje ću predložiti da u članu 137. stoji: „Da kroz formu odgovora to neke od inicijativa razriješimo iako se kandidat odnosno vijećnik ne bude složio možemo eventualno voditi raspravu, a da to ne bude tačka dnevnog reda o kojoj ćemo izgubiti vrijeme, a ništa nismo postigli.“ I još nešto evo u cilju ove racionalizacije pomoći vam da onu zadnju tačku koju sam ja inicirao skinem s dnevnog reda, tako da ću pripomoći da uštedimo na vremenu. Hvala.

VIJEĆNIČKO PITANJE VIJEĆNIKA ZAHIDA AVDIČEVIĆA:

Zahid Avdičević:

Gospodine načelniče sa saradnicima, radno predsjedništvo, kolege i kolegice vijećnici, građani općine Zavidovići sve vas srdačno selamim i pozdravljam. Ja ću vrlo kratko. Da bi izbjegao inicijativu, već na narednoj sjednici možda imamo Odluku o bezbjednosti saobraćaja na području općine Zavidovići. Odlazeći neki dan na džumu tačnije u petak primjetio sam ništa drugo nego borbu ili patnju jednog ratnog vojnog invalida u kolicima kako izlazi na parking mjestu ispred Gradske džamije. Moje pitanje ili sugestija nadležnoj Službi bi bilo: „Da od postojeća tri mjesta naprave se dva invalidska“? Znamo za potrebe paraplegičara kojima je vrlo teško izaći, znači iz auta, a takvih ljudi nemamo puno na području naše općine. Nadam se da evo ići u zapisnik, znači da se uputi jedna sugestija Službi koja će radit Odluku o bezbjednosti saobraćaja. Znači da se od postojeća tri parking mjesta naprave dva tako da bi one osobe sa invalidskim kolicima mogle normalno da izlaze iz vozila. Zahvalujem.

Predsjedavajuća Općinskog vijeća:

Nakon postavljenih vijećničkih pitanja i inicijativa prelazimo na usmene odgovore po vijećničkim pitanjima ako ih ima ukoliko ih ima.

Izvolite načelniče.

Hašim Mujanović:

Ja bih ovdje prije nego što dam bilo koji odgovor o postavljenom pitanju tražio stav vijećnika, dakle ukoliko, a u cilju racionalizacije vremena kojeg imamo, da smanjimo vremenski taj termin održavanja sjednica. Ukoliko će usmeni odgovori zadovoljiti vašu formu traženog pitanja da onda ponovo ne radimo i pisani odgovor. Onda ima smisla za usmenim odgovorom. Ukoliko se ponovo insistira na pisanim odgovorima onda, dakle da ne bi trošili vrijeme, ja sam za to, znači da se ipak vijećnici izjasne hoće li i da li odustaju od pisanih odgovora.

Predsjedavajuća Općinskog vijeća:

Mi imamo sad trenutno samo odgovore sa 4. sjednice Općinskog vijeća Zavidovići održane 27.5.2021. godine.

U skladu sa članovima 88. i 89. Poslovnika o radu gospodin Zahid Avdičević. Da li ste zadovoljni ili niste zadovoljni i imate li neko dopunsko pitanje?

Zahid Avdičević: Nisam zadovoljan. Dopunsko pitanje. Ponekad izgleda stvarno teško meni da se udovolji. Međutim, ministar treba možda da pročita Statut, Poslovnik ili koje su već njegove nadležnosti. Ne može on ovdje u odgovoru da kaže treba da se zadužuje Općinsko vijeće da obezbijedi sredstva kroz Budžet općine za kupovinu radara. Mislim da je to malo grubo rečeno sa njegove strane. Znači, ne može Općinsko vijeće da obezbijedi sredstva za kupovinu mobilnog radara. To je u isključivoj nadležnosti Ministarstva unutrašnjih poslova. Ne moram ja učit ministra o njegovim nadležnostima, valda on treba da pročita gore šta je njegova nadležnost, a šta nije. Znači, ne mora ga nikad kupit mene što se tiče.

Predsjedavajuća Općinskog vijeća:

Prelazimo na odgovore sa 6. sjednice Općinskog vijeća Zavidovići održane 30.6.2021. godine.

Haris Hodžić: djelimično zadovoljan.

Rasim Mujkić: jesam zadovoljan.

Ajdin Polić: nije prisutan na sjednici.

Erna Merdić Smailhodžić: ja sam zadovoljna.

Adi Mahovac: jednim sam zadovoljan. Drugim djelimično i imam dopunsko pitanje. Još jednom srdačno pozdravljam. Ovako, bila su dva vijećnička pitanja. Jedno je bilo za Invalidski Odbojkaški klub. To sam zadovoljan odgovorom. Nisam zadovoljan rezultatom koji će dobit onaj time, ali odgovorom da. Drugo pitanje bilo je u vezi live stream prenosa Općinskog vijeća. I to sam djelimično zadovoljan. Obzirom da se traže dodatna sredstva koja možda i nisu toliko ni mala, mada smatram da nisu ni nešto velika, pa sam u cilju rješavanja tog problema postavio jedno još dodatno pitanje. Budući da nema live stream prenosa postaviću dodatno pitanje, zahtijevat koncizan odgovor zašto kada već nemamo tog live stream prenosa u emisiji Hronika Zavidovića ili bilo koja emisija koju prenosi Smart TV, zašto se ne nađu izlaganja, vijećnička pitanja, inicijative, te diskusije Općinskih vijećnika, kolektivnih predstavnika, političkih subjekata i građana ove općine, a sve u cilju kvalitetnijeg informisanja građana o radu Općinskog vijeća. Mislim da toliko se može uraditi. Hvala.

Igor Šimšić: nisam zadovoljan.

ZAPISNIK SAČINILA

Hajrudina Hadžić

OVJERAVA SEKRETAR OV

Samira Pišnjć, dipl. pravnik



BOSNA I HERCEGOVINA

FEDERACIJA BOSNE I HERCEGOVINE

OPĆINA ZAVIDOVIĆI

OPĆINSKO VIJEĆE ZAVIDOVIĆI

n/r. gđa. Erna Merdić Smailhodžić, predsjedavajuća

Predmet: Inicijativa za dopunu Poslovnika o radu Općinskog vijeća Zavidovići,

Član 24. stav 3.

Poštovani/a,

na osnovu člana 109. Poslovnika o radu Općinskog vijeća Zavidovići, podnosim inicijativu za dopunu Poslovnika o radu Općinskog vijeća Zavidovići Član 24. stav 3. i to :

u članu 24. stav 3 ~~iza~~ riječi „ nezavisni kandidati“ briše se zarez i dodaju riječi „ samostalni vijećnici“ mogu formirati zajednički klub ili pristupiti nekom od klubova.

OBRAZLOŽENJE :

U Članu 24. Poslovnika o radu Općinskog vijeća Zavidovići stoji da se u vijeću obrazuju klubovi vijećnika političkih stranaka-partija zastupljenih u vijeću, te da se klub vijećnika može formirati sa najmanje dva vijećnika. Inicijativa se odnosi na dopunu stava 3 pomenutog člana gdje piše vijećnici nezavisni kandidati, mogu formirati zajednički klub ili pristupiti nekom od klubova. Navedena formulacija stava 3 ne daje mogućnost samostalnim vijećnicima da formiraju klub vijećnika. S obzirom da u Općinskom vijeću Zavidovići trenutno imaju četiri samostalna vijećnika, smatram da je opravdano dati mogućnost samostalnim vijećnicima da formiraju klub. Formiranjem kluba samostalnih vijećnika, stiču pravo da učestvuju u radu Kolegija Općinskog vijeća, da učestvuju u pripremama sjednica vijeća, ostvaruju saradnju sa drugim klubovima i samim tim mogu dati puno veći doprinos u radu Općinskog vijeća.

Zavidovići : 30.7.2021g.

Samostalni vijećnik u OV-u

Fojnica A.

Fojnica Admir



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Datum: 20.07.2021.godine

BOSNA I HERCEGOVINA
FEDERACIJA BOSNE I HERCEGOVINE
OPĆINA ZAVODOVIĆI
OPĆINSKO VIJEĆE ZAVODOVIĆI
n/r. gđa. Erna-Merdić Smailhodžić, predsjedavajuća

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Koliko pravnih lica registrovanih kao društvo sa ograničenom odgovornošću je otvoreno od 2016. godine pa sve do danas na području općine Zavidovića ?

Direktno pitanje:

Tražimo od nadležne općinske službe da nam dostavi spisak i broj pravnih lica registrovanih kao d.o.o. na području općine Zavidovići od 2016. godine do danas uz podatka o broju zaposlenih po svakom otvorenom preduzeću i informaciji da li se radi o preduzeću sa naše općine, susjednih općina ili je u pitanju inostrano preduzeće. Uz ovu informaciju dostaviti i podatke o broju zaposlenih i nezaposlenim po godinama od 2016. godine.

Odgovor na ovo pitanje treba da sadrži sljedeće informacije: godina, naziv pravnog lica, lokalno, domaće ili inostrano pravno lice, broj zaposlenih po pravnom licu, aktivno/u stečaju/zatvoreno.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,



Vijećnik SDP BiH

Erna-Merdić Smailhodžić
Vijećnik SDP BiH
n/r. gđa. Erna-Merdić Smailhodžić
Acil M. dpl. inq.
med. rad.

Općinska organizacija SDP BiH Zavidovići Општина организација СДП БиХ Завидовићи

Sekretarijat:

Adresa: dr. Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



STRANKA ZA BOSNU I HERCEGOVINU ZAVODOVIĆI

Inicijativa za : ULICA JUSUFA POLIĆA RIBARA

USLJED ENORMNO VELIKIH OBORINSKIH PADAVINA KOJE SU SE DOGODILE 17.06.2018. TE 25.06.2018. GODINE, KAO I 13.05.2019. TE 02.06.2019. GODINE DOŠLO JE DO VELIKIH POPLAVA STAMBENIH OBJEKATA KAO I USJEVA. MNOGI OBJEKTI SU OŠTEĆENI A VLASNICI SU IH MORALI SAMI SANIRATI.


NAIME POSTOJI PRIRODNI POTOK KOJI SE PROTEŽE IZ PRAVCA POTKLEČJA I TREBA DA SE SANIRA TO JEST NJEGOV DIO DA SE POLOŽE CIJEVI I PROVEDE DO RIJEKE.

OVAKO SLOBODNIM PROTOKOM PRAVI EROZIJU ZEMLJIŠTA I DOLAZA DO ZAČEPLJAVANJA CIJEVI KOD CESTE I PRAVI POPLAVE.



TAKOĐER POTREBNO JE NAREDITI DOMAĆINSTVIMA KOJA NEMAJU RIJEŠEN SISTEM ODVODA OTPADNIH VODA DA TO RIJEŠE. NEKI SU SAMO UGRADILI ODVODNE CIJEVI IZ KUĆE I DALJE SE SLIVA U KANAL DO CESTE ŠTO STVARA NESNOSAN SMRAD.


POTREBNO JE IZVRŠITI I PRITISAK NA KANTONALNU DIREKCIJU ZA CESTE DA SE IZVRŠI ODŠTOPAVANJA CIJEVI ZA ODVOD VODE ISPRED CESTE DO RIJEKE. ONI SUJ UPOZNATI SA PROBLEmom I DOSTAVLJAMO VAM NJIHOV ODGOVOR OD 27.12.2018.GODINE.



U PRILOGU SNIMKE POPLAVA.









Općinski vijećnik Fehim Tuzlić





















Datum: 20.07.2021.godine

BOSNA I HERCEGOVINA

FEDERACIJA BOSNE I HERCEGOVINE

OPĆINA ZAVIDOVICI

OPĆINSKO VIJEĆE ZAVIDOVICI

n/r. gđa. Erna Merdić-Smailhodžić, predsjedavajuća

Predmet: Inicijativa za izmjenu Odluke o načinu rasporeda i korištenja finansijskih sredstava prikupljenih po osnovu kontinuirane i jednokratne naknade od koncesija

Poštovani,

na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Općinskom vijeću Zavidovići podnosim INICIJATIVU za izmjenu Odluke o načinu rasporeda i korištenja finansijskih sredstava prikupljenih po osnovu kontinuirane i jednokratne naknade od koncesija.

U skladu sa stavom 4. pomenutog člana ovu Inicijativu dostavljamo u pisanoj formi sa

OBRAZLOŽENJEM kako slijedi:

Izmjena odluke o načinu rasporeda i korištenja finansijskih sredstava prikupljenih po osnovu koncesija odnosi se na dodavanje/izmjenu postojećih članova koji definišu sledeće (nove) kriterije:

- Raspored finansijskih sredstava izvršavat će se po metodi 50% ulaganje u infrastrukturu mjesnih zajednica na kojim se vrši ekspoltoacija prirodnih energenata i 50% na bazi slobodnog ulaganja na području cijele teritorije općine Zavidovići uključujući i urbanu zonu(dosadašnji metod je na bazi 100% slobodnog ulaganja).
- Sredstva prikupljena po osnovu koncesija utrošite će se u kalendarskoj godini ubranog prihoda a najdalje do 30.04. naredne kalendarske godine.

Razlog podnošenja incijative jeste neravnomjerno ili skoro nikakvo ulaganje sredstava, prikupljenih po osnovu prihoda od koncesija, u mjesne zajednice sa



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

kojih se crpi prirodno bogastvo i čija infrastruktura i ekologija trpi kompletan proces eksplotacije od strane koncesionara.

Također, zbog prethodnih praksih i zloupotrebe u korištenju ovih sredstava u predizborne svrhe potrebno je vremenski ograničiti period korištenja sredstava od koncesionih naknada kroz infrastrukturne radove na način da isti moraju biti utrošeni u tekućoj godini nastanka i naplate prihoda a najkasnije do 30. aprila naredne kalendarske godine.

Ovo je također potrebno iz zbog pravovremenog ulaganja u infrastrukturu kako ista ne bi čekala predizborne termine a sredstva za sanacije i ulaganje u infrastrukturu postoje i naplaćena su u tekućoj kalendarskoj godini.

Realizacija ove inicijative neiziskuju nikakva dodatna sredstva kroz Budžet općine Zavidovići.

Za realizaciju ove odluke zadužuju se općinski načelnik i nadležne općinske službe sa rokom od 30. dana od dana usvajanja inicijative.

S poštovanjem,



Vijećnik SDP BiH u OV Zavidovići

Haris Hodžić, dipl.oec

Općinska organizacija SDP BiH Zavidovići

Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdppbih
facebook.com/sdppbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Datum: 23.07.2021.godine

BOSNA I HERCEGOVINA
FEDERACIJA BOSNE I HERCEGOVINE
OPĆINA ZAVIDOVIĆI
OPĆINSKO VIJEĆE ZAVIDOVIĆI
n/r. gđa. Erna-Merdić Smailhodžić, predsjedavajuća

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: U kojoj proceduri je i da li je u 2021. godini planirana sanacija i rekonstrukcija starog lokalnog puta Rudače-Junuzovići u naseljenom mjestu Rudače MZ Hajderovići?

Obrazloženje:

Mještani naseljenog mjesta Rudače pokrenuli su projekat asfaltiranja dijela stare lokalne ceste Rudače-Junuzovići. u dužini od cca 400 metara koji, u posljednje vrijeme, ima pojačan saobraćaj teretnih motornih vozila. Na ime ove akcije odazvao se veliki broj mještana/učesnika sa prikupljenim iznosom od 14.500,00 KM(sredstva mještana).

Mještani ovog naseljenog mjesta imali su obećane nadležne službe i načelnika da će se od strane općine Zavidovići izdvojiti značajna sredstva kako bi se zajedničkim snagama u saradnji sa mještanima pristupilo asfaltiranju makadamskog puta Rudače-Junuzovići.

Direktno pitanje: Da li je i kada planirana sanacija lokalne ceste Rudače-Junuzović i da li mještani ovog kraja mogu računati na podršku općine Zavidovići u realizaciji pokrenutog projekta i u kojem iznosu ?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,



Vijećnik SDP BiH
Haris Hodžić, dipl.oec

Općinska organizacija SDP BiH Zavidovići

Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina


Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdppbih
facebook.com/sdppbihzavidovici

*BiH
Federacija BiH
ZE DO Kanton
Općina Zavidovići
Općinsko Vijeće*

*PREDMET: Inicijativa: Aktivnosti na poboljšanju uređenja
uže jezgre grada*

*Podnositac
Šemsudin Škejić, općinski vijećnik*



INICIJATIVA I AKTIVNOSTI NA POBOLJŠANJU UREĐENJA UŽE JEZGRE GRADA

Korist Inicijative

- Povećava se higijena u gradu, što direktno utiče na zdravlje građana
- Zelenilo smanjuje zagađenje, proizvodi kisik, što opet utiče na zdravlje građana
- Više zelenih površina utiče pozitivno na psihičko zdravlje građana
- Funkcionalnost gradskih saobraćajnica, pješačkih pločnika i mostova direktno utiče na sigurnost građana, što opet ima veze sa zdravljem građana
- bolje osvjetljenje utiče na sigurnost, što također utiče na zdravlje građana

Ciljevi inicijative su kratkoročni i dugoročni.

Ja ću ovdje prezentovati kratkoročne ciljeve a u tekstu su napisani i dugoročni. Zbog kratkoće vremena ne mogu ih obrazložiti.

Kratkoročni ciljevi:

- a) Redovno, kvalitetno košenje i uređenje javnih zelenih površina
- b) Briga o zemlji i pijesku na zelenim površinama
- c) Kupovina i sadnja novih kvalitetnih sorti cvijeća i zelenila
- d) Postavljanje nove kvalitetne ograde na mostovima
- e) Postavljanje saksija na mostu u centru grada i mostovima na ušću
- f) Izmjena dotrajalih ivičnjaka u centru grada
- g) Akcija – Očistimo grad (građani i JKP Radnik, a ja bih dodao da taj dan učestvuju i vijećnici OV)
- h) Postavljanje dovoljno dodatnih korpi za smeće, ali sa malo drugačijim dizajnom. Naime, u BiH je 44% pušača, možemo računati da je i u Zdićima najmanje toliko. Dobro je imati kante na koje se može ugasiti čik, jer ga ne smijemo ubaciti u kantu zapalit će se, pa ga radije bacimo na put...osim toga taj metalni dio odozgo može dobro služiti da spijeći ptice da raznose smeće
- i) Na prilazima gradu postaviti jasnije oznake za turistička mjesta. Sad kad dolazimo iz pravca Tuzle, nemam pojma kako doći do Kamenice i Tajana, mislim da neke mape turističkih mjesta treba postaviti rano na ulazima u grad, da čovjek može i stati autom pa malo vidjeti gdje je šta, table bi trebale biti barem dvojezične, tj. i na engleskom
- j) Po gradu treba više oznaka, jer grad sada izgleda kao da se podrazumijeva da svi znaju gdje je šta, dakle više oznaka i putokaza, gdje je džamija, gdje crkva, gdje dvorana, gdje IP krivaja, gdje je stadion...

Koliko vidim najviše nezadovoljstva je radom JKP RADNIK pa treba od njih tražiti izvještaj zašto to ne rade već i imaju li kapacitet da rade.

Finansiranje je uvijek svima najveći problem i izgovor. Ali može se razmisiliti da se neke aktivnosti provedu sa lokalnim preduzećima ili tržnim centrima, npr Bingo finansira obnovu ogradi na mostu, a Općina mu da dozvoli za neku reklamu na njemu, propiše njen izgled da ne bude neki kičeraj, propiše trajanje reklame, i sl. Također, u prakovima se mogu staviti obavještajne table – npr park se održava uz pomoć firme XY, građani Zavidovića se zahvaljuju i slične ideje.

Što se tiče dijelova koje mora općina uraditi - pa tu treba javno prozivati i upozoriti načelnika na posljedice ako nema javne rasvjete (kriminal, nesigurnost), ako neko slomi nogu na mostu zbog rupe i tuži općinu, ili nekog udari auto jer nema pločnika. To ljudi u Zavidovićima još ne rade, ali počet će i treba i njima reći da imaju pravo na to.

Međutim, nije dovoljno svaliti sve na leđa JKP RADNIK. Lokalna zajednica, ljudi, moraju imati značajnu ulogu, moraju se brinuti o tome, pa ako vide razbacano smeće oko korpe, ne trebaju psovati RADNIK što nije očistio, nego trebaju pokupiti smeće. Ako vide da je snijeg svalio neku granu, neka je otresu, a ne da psuju što općina ništa ne radi. Vi možete imati stotinu ideja i sve realizirati, ali ako ljudi koji žive tu nemaju valjan stav prema tome, ništa neće uspjeti. Ljude treba educirati. Djecu treba educirati, pa u vezi s tim mogu se organizirati posebne radionice kroz škole, neka djeca uče o tome, ali i neka na času biologije, ekologije, odjeljenske zajednice izadju u neki park, neka posade cvijeće, neka grabe lišće... To je svakako dio dugoročnih ciljeva o kojima više slijedi u nastavku.

DUGOROČNI CILJEVI

Dugoročni ciljevi inicijative trebali bi biti u vezi sa onim što se zove URBANA EKOLOGIJA a to je stanje grada, neke urbane sredine, u kojoj se arhitektura sažima s prirodom i pravi zdravija sredina za život. O tome sad postoji bezbroj studija, a način izvedbe ovisi dosta i o trenutnom stanju. UNov cilj je podići broj zelenih poršina u gradskim zonama, održavati postojeće, smanjiti temperaturu gradskih naselja, apsorbovati što veću količinu gasova, imati čistiji zrak.

„Gradski parkovi, gradski vrtovi i drvoredi, iako malena područja u usporedbi s izgrađenim područjem mogu imati veliku ulogu u održavaju temperatu ili hlađenju grada kao toplinskog otoka. Minimalna ulaganja u zelenilo prema pravilima urbane ekologije mogu lokalno imati veliki značaj. Kada bi se postotak zelenila u gradu povećao za 10 % redukcija temperature mogla bi iznositi do 2,5 °C. Istovremeno, kada bi se postotak zelenila u gradu smanjio za 10 % temperatura u gradu bi mogla porasti i za 7 °C (Ennos i dr., 2007). Dakle možemo reći da je grad održiv ako postoji priroda u njemu. Stoga ulaganja u gradsko zelenilo postaju neminovna mjeru za održivost grada te njihova pravilna distribucija mora biti sastavni dio urbanog planiranja.“

IZVOR:

<https://zir.nsk.hr/islandora/object/pmf%3A4795/dastream/PDF/view>

U nekim gradovima, poput Milana, prave se zgrade sa drvećem. U nekim gradovima forsira se sadnja zelenih površina na krovovima zgrada, u nekim se čak uzgajaju pčele na krovovima zgrada... Neka pravila o tome općina može zauzeti i usloviti investitore objekata da su obavezni planirati i zelenu površinu u sklopu objekta, ili slično. Te dugoročne planove trebalo bi temeljito osmisliti i u njih uključiti osim inžinjera građevine, arhitekata, inžinjera hortikulture, svakako i psihologa. Psiholog je važan iz nekoliko razloga. Naime, parkovi i zelene površine, osim za odmor pojedinaca, služe i za interakciju pojedinaca. Npr grad Barcelona puno pažnje poklanja konstrukciji sadržaja u parku i namjerno ga pravi takvim da ljudi budu upućeni jedni na druge dok su u parku, tj da mogu razgovarati, upoznavati se, a čim se ljudi znaju, manja je šansa za konflikt. Takodjer, u prakovima treba izbjegavati čoškove, uglove i sl, jer u noćnim satima takve površine postanu izvor strahova za posjetioce, svaki dio parka bi noću trebao biti maksimalno osvijetljen...

Za početak treba oformiti taj tim sa stručnim predstavnicima onoga ko bi radove izvodio a pretpostavljam JKP Radnik, stručna predstavnika općine kao investitor, stručni predstanci OV kao predstavnici građana. Tim bi kako sam rekao trebao imati u sebi inžinjere: građevine, saobraćaja, hortikulture, arhitekture, psihologa i recimo jednog predstavnika Udruženja nastavnika tjelesnog odgoja, koji već imaju neke aktivnosti u gradu.

Tim sebi treba, u skladu sa postavkama Urbane ekologije, postaviti ciljeve čiji bi rezultat morao biti: prijedlozi za održavanje i unapređenje postojećih zelenih površina, za njihovo proširivanje i povećavanje njihovog broja u gradu.

Neki zadaci koji bi doprinijeli tim ciljevima su:

1. *Na stranici općine napraviti jednu anketu medju građanima kako ocjenjuju svoj grad u tom smislu zelenila, čistoće, i kako vide svoj grad u budućnosti. Iz te ankete se može saznati ima li razlika u mišljenju medju pojedinim populacionim grupama, i u tom smislu dobili bi se odgovori kako da se utiče na neke pojave, npr namjerno zagađivanje, bacanje smeća, uništavanje zelenila i sl, ali i odgovori šta žele penzioneri a šta roditelji s malom djecom...*

U dva istraživanja, na linku koji sam ranije naveo potvrđen je pozitivan učinak zelenih površina za penzionere. Osim općeg većeg zadovoljstva penzionera u blizini parka, kod njih je zabilježena manja razina stresa te ujedno dulji životni vijek. Potvrđen je socijalni i psihološki benefit blizine parka, osjećaj pomlađivanja, ugodan prostor za dokolicu i razmišljanje te potaknut osjećaj mesta (Nakamura i dr., 2002).

Druga anketa postavlja pitanje koji su razlozi boravka u parkovima. Chiesura je ispitao subjektivne razloge boravka na zelenim površinama stanovnika Amsterdama, Pariza i Seville. Najviše ljudi izjavilo je kako najčešće posjećuju zelene površine kako bi se opustili. Kao drugi razlog navedeno je slušanje i gledanje prirode, bijeg iz grada, a zatim odlazak u park zbog djece (Chiesura, 2004).

U gradu Ankari provedena je anketa koja skuplja dojmove građana o tome što oni smatraju da mora primarno biti uređeno i održavano u parku. Na prvom mjestu bile su klupice, zatim označene staze za trčanje ili biciklizam, ugodan krajolik s posađenim cvijećem i dovoljnim brojem kanti za smeće, a nekolicina je izjavila kako bi im najviše godila prisutnost vode u vidu malenog jezera ili fontane (Hag, 2011). Anketa je također dovela do još jednog zaključka. Ljudi su svjesni da sama gradnja zelene površine nije dovoljna. Potrebno je njezino adekvatno očuvanje, uređenje u razmacima po nekoliko godina, a poseban naglasak se stavlja na dovoljnoj količini kanti za smeće.

IZVOR:

<https://zir.nsk.hr/islandora/object/pmf%3A4795/datastream/PDF/view>

2. *Treba napraviti katastarski popis zelenih površina u gradu, skupiti ga u jednu radnu brošuru, opisati stanje. Znači mora se izaći na teren i lično uvjeriti u kakvom je stanju mobilijar igrališta, stanje cvijeća i grmlja, ima li neka šumica prostor da bude vanjska teretana npr... Neke su zelene površine uredjene manje ili više, neke nisu nikako. Taj tim bi trebao dati prijedlog kako da se dodatno unaprijede sve te površine.*
3. *Taj bi tim uz ove dugoročne ciljeve mogao nadgledati i realizaciju kratkorčnih ciljeva jer je to kontinuiran posao.*
4. *Poseban je problem javne rasvjete, to možda treba odvojiti od ovoga, jer bi trebalo napraviti elaborat o obnovi i uštedama. EU ima dosta projekata i poticaja oko toga. Smanjenje standardne rasvjete novim tehnologijama smanjuje troškove za više od 80%. Mislim da za to treba zadužiti općinu da napravi, da nađe poticaj iz EU i da se to realizira kroz nekoliko godina.*
5. *Svetlo nažalost može biti i zagađenje, pa tako bi se taj tim mogao baviti i time. Prekičaste reklame, led panoi mogu smetati noću saobraćaju ali i stanovnicima okolnih zgrada. To se sad naziva svjetlosno zagađenje.*

6. U užem i šrem gradskom području prolaze rijeke. Njihove obale su neuređene i neiskorištene. Ne znam koliko se smije, tj ne znam ko upravlja tim pojasom. Ali ja bih tokom ljetnih perioda i niskog nivoa rijeka, barem u dijelu Bosne od mosta u gradu ka ušću Krivaje, očistio opet, uredio, postavio ljetne baštne... a s druge strane bih napravio barem nekoliko kilometara stazu za trčanje...

Moram na kraju istaći a mi bismo trebali znati da naš grad a posebno njegov urbani dio ima kvalitetno riješen i planski uređen raspored ulica koje nisu uske i koje su međusobno veoma dobro povezane. To je neko osmislio davno davno prije. Kada bismo pogledali izgled užeg centra grada iz ptičje perspektive (snimak dronom) iznenadili bi se dobrom urbanističkim rješenjem. Ovo ističem jer smatram da imamo preduslove da uz malo više volje i rada svih nas grad „postavimo“ na mjesto koje mu pripada a što smo doživjeli: Doživjeli smo da naši sugrađani kada idu u susjedne Općine kažu da su one daleko ispred nas po pitanju čistoće, urednosti, izgleda i da su mnogo napredovali u udnušu na nas. Zamislite te općine su tek mali gradići (Olovo, Maglaj, Žepče).

Sve napisano moglo bi poslužiti kao projektni zadatak za ekipu stručnih ljudi koji bi izradili projekat uređenja našeg grada čijom realizacijom bismo na kraju našeg mandata ostavili nešto vrijedno iza sebe.